

U G O V O R

o rekreativnim uslugama članova sindikalnih i drugih organizacija

zaključen u Vogošći između:

**JU „Kulturno-sportski centar“ Vogošća, ulica Jošanička broj 33, ID 4200092680006,
Transakcijski račun br. 3389002207944953 otvoren kod UniCredit banke, koju zastupa
v.d. direktor Elvir Kituša, i**

**Udruženje Sindikat policije Kantona Sarajevo, ul. La Benevolencija broj 16. ID br.
4200318910000, kojeg zastupa Sadik Ećo, predsjednik Upravnog odbora Sindikata
policije Kantona Sarajevo.**

Član 1.

U cilju realizacije rekreacije Korisnika usluga, ugovrne strane su se dogovorile da se ovim ugovorom regulišu sljedeće prostorno-tehničke usluge:

JU „K S C“ Vogošća će Korisniku usluga ustupiti na korištenje sljedeće prostore sa pripadajućom opremom:

- obilježeni prostor za rekreativce u bazenu;
- odgovarajući prostor svlačionica sa tuševima;
- sanitарне čvorove

JU KSC Vogošća osigurava i stručno tehničko osoblje za opsluživanje:

- elektroinstalacija;
- rasvjete;
- klimatizacije;
- hidroinstalacija;
- segmenta opštег održavanja.

JU „K S C“ Vogošća će o svom trošku organizovati:

- obezbjeđenje prostora;
- tekuće održavanje;
- čišćenje i odvoz smeća i dezinfekciju prostora

Član 2.

Neograničeno je korištenje pomenutih sadržaja bazena u periodu od 8 do 22 sata.

Korisnik usluga je obavezan dostaviti sindikalni spisak svojih članova (sa članovima uže porodice), koji se po potrebi može i dopunjavati.

Član 3.

Mjesečna pojedinačna karta za korištenje bazena iznosi 50,00 KM. Sindikalnu kartu može koristiti i jedan član uže porodice (supružnici i djeca) skupa sa nosiocem karte.

Svaka zloupotreba sindikalnih karti mimo predviđenih pravila se može sankcionisati oduzimanjem iste.

Član 4.

Obaveze Korisnika usluga su:

- da svu opremu i rezerve koji su vlasništvo JU „K S C“ Vogošća koristi na način dobrog domaćina;
- da naknadi eventualnu štetu koja nastane na stvarima i opremi, instalacijama i objektu a koju su prouzrokovali članovi Korisnika usluga;
- da predmetni prostor iz člana 1. ovog ugovora koristi isključivo za ugovorenu namjenu treniranja, bez korištenja za druge namjene;
- da ovlaštenom licu JU „K S C“ Vogošća dostavi spisak sa imenima i osnovnim podacima za lica koje će voditi treninge i posebno za lice koje će biti ovlašteno lice Korisnika usluga;
- da svoje zahtjeve i obavještenja o svim promjenama obavezno dostavi u pisanoj formi.

Član 5.

Korisnik usluga je odgovoran:

- za pridržavanje slijedećih protokola korištenja prostora bazena JU „KSC“ Vogošća:
 - prilikom ulaska u objekat obavezno je posjedovanje odgovarajuće opreme;
 - poslije treninga obavezno je vraćanje ključeva od ormara;
 - u slučaju učinjene štete napraviti će se zapisnik sa odgovornim licem bazena;
- lica koja prisustvuju treningu obavezno se kreću dogovorenim hodnim linijama, na način da njihovo kretanje ne ometa odvijanje drugih sadržaja u objektu niti da se ugrozi bezbjednost lica koja prisustvuju treningu, drugih korisnika objekta i samog objekta;
- da se lica koja koriste usluge bazena ponašaju u skladu sa „Kućnim redom i pravilima ponašanja“ objekta, te da se pridržavaju pravila o protivpožarnoj zaštiti i zaštiti na radu.

Član 6.

Ovaj ugovor se potpisuje na period od godinu dana i teče od dana potpisivanja. Ako jedna od ugovornih strana ne ispunjava svoje ugovorne obaveze, druga ugovorna strana može jednostrano raskinuti ovaj ugovor uz prethodnu pisaniu najavu.

Član 7.

U slučaju spora ugovorne strane će pokušati nesporazume riješiti mirnim putem, a ako u tome ne uspiju utvrđuje se mjesno nadležnosti stvarno nadležni sud u Sarajevu.

Član 8.


Ovaj ugovor sačinjen je u 2(dva) istovjetna primjerka na dvije stranice sa 9(devet) članova, od kojih svaki primjerak ima vrijednost originala, a svaka ugovorna strana zadržava po 1(jedan) primjerak.

Član 9.

Ugovorne strane su pročitale i razumjele ovaj ugovor, te izjavljuju da isti predstavlja izraz njihove stvarne volje te ga u to ime i potpisuju.

Za Udruženje Sindikat policije
Kantona Sarajevo

Predsjednik Upravnog odbora

Sadik Ego


Broj: SPKS-788/20



JU „Kulturno-sportski centar“
Vogošća

v. d. direktor

Elvir Kituša



4 18/01/21.

Vogošća 13.01.2021. god.